

temititj, mo pegitjenog aptj oelei ag maoi alasotnaieg, elp gtjigang neote oelagea engasi ag oelgoitjalitjig lnoq teli migoitelmitjig ag geseoli pagapogoatitjig 18 tesitjig. Tôgo Sôsep Glesmas napoigigen ignemoit tan mosi Maialôg telitatemeg onapoigigenen. Getoi goilem nin giasgio otelamogten ag lôg maei olitasoltitegsno teligig ggi si gogenemotineno; menoigasitteo ôgotij, meta ola maoi gelositag patliasag geginamoettag lnoegattig ag tesigel sagaoel oigatigenel gegonemogol negem ba ogtimmigtog oetjiagel. Ag negem teloitot—lnoi apostaleoit—tlia piloci oen gis sag sigentoaseniga amsgoes eeeg lnoega, mosi Plesioig teloisitag. Netna ot gionagatj nenoltelmaten nipp enog.

Nägtemaneg gtiigan tet gitjiga nesagonag natji atlasemi patliaseoigtag tan lno teli geatalji, McPherson, tan geginamoatji pötlötig saapeolg menig og. Ag nige eli mitgogoei pöggomgeg, oegöpegitg, gentpilg, göspemg ag tji ptog tätjestelg.

Mögöe pel gegonemo tan lgitemolig, pesgemgeoei gisna oigatigen sgato aoantasoatemapenel Ship Cove patliaseoigtag tasigel pintjitel setan ecel, etamol tjitjigoagatj gmenigemoin; ag mo gisi ntoisgaion, tjogoagit emitesg.

Na teli osgagelmolög Sesos ogoam lamonigtag tesiög.

NIN LNOI PATLIAS

MALIEOTI AG PILTOI GEMNIEOTI

Sapeoig menigog pötlötig gisi set aneoeim geg neonemigisitjig malieeom penig: Misel Gol eta ag Ann Elisabet Pal, Egian Gol ag Plisit Pôlet, Sag Simon ag M. Gatlin Misel, Tjesnet Glöspel ag Mali Tose.

Tôgo 8 tesitjig elpatosg ag 12 epitesg piltoil ilatasoltisenig: Plansoe Go go 15 tesiponat, Noel Gol 15; Toma Sôsep 16; San Gogo 12; Lisal Tjansen 13; Saln Polet 16; Sag Pasg 15; Toma Gietol 15; Mali Sosan Pasg 12; Anni Egian 16; Lôs Maglin 13; Anni Allet Pôlet 12; Sann Glöspel 11; Len Glospel 13; Pella Silipai 13; Matlen Elni 13; Galölin Gol 13; Anni Tjen Pasg 13; Teles Pelnal 11; Mali Tjen Plansoe 12.

NEPGIG ALASOTMELSEOANETJ

LNOF MENIGOG Isipogtog—nepg tog.

gisigoisg tanag maoi gisigeisenag testitj lno ola menigoga 80 tetotjegag, nog sag gesinogatag negapigatag, na nige nepgag 25 tjolafoga.

PIGÖP—Patlig Saimen onitjana ne pelita 20 tjolai.

SEGEPENNEGATIG—tjon 27 tes.—na totjio gisigoisg Glistöp nepg, lôg oeli nep gag, maoi gisigoitg intjilötga.

SEGEMTOG ELMESETTELG—tjinemag nepgag teloisitag Plansoe Lapen.

EMNTJILÖTG otang—tjolai 28 tes. 1909—agnotemagenel oigatigen tan tel iag elmoei otana. Maoi geselol geg tan telli setaneoimaga, tjei ôgo gisi pogoe tatjig geptinaga. Tjan Noel sagmao, Piel Glöt gjigepin, Isag Sag Geptin, Maigel Tames geptin, Patlig Tôni geptin, Piel Pal potos, Pén Pal angötg solleoci alasotmögoömöcia; Lisem Tes tes ag Matieo Sag na negmoo pelis menag otanga Inecia.

Agst 3 tes. epites gesinogeoat Matlen Melöni samseneoit npoagneg eig na epitesa.

Sgemtig sagmao Tjan Noel otepit emel gisigoisg 78 tetotjeg lôg smateoit totjio gelolgel opepigol tjei mögoet pegigoel nasgemogol gato negao gisaoignaoet.

Sgemtig Lopi Oillimse pegatelg pip ogagen agina telaotig \$45 na telaotig opipogagene.

Setaneoim geg nagoeg iglasieog petj itatjig na tapositjig pogteoitig pegis ititj, na lnoq getgiatitjig. Na tjine mog teloatitjig, osoalanetj na iglesi oga; na oesoalotjig, mesimotjig, pain eoalotjig, na apangetemittj solleoci gasgemtelnagenigel neotaigela. Nin J. N. P.

Tet geginoafot tan teli oigaget, es goiag otoiogatigen mögöe gisi menoig asitnog, meta notag negem ogoison em. Tan oen agnotemoet otjut solna litjij aptjio pgeoigetj ogoisonem tlia mo menoeg eog oneiatasitten.

PIGÖG—agst 3—gisi pignieoieg ag pogelag mimatjoinoag ap paleoieg 9 tes, agsta. Nin Ags.

Notj, ninen geseoli altjematiag ma itjeotj tjinemolteig, etog gil ma gisi gioansgemoieig tan aglasleoigtag teli tpelotasig altjemagan? Nin aitj.

Miamotj, nitjan, tet gisgog oetjito tesg amsgoeseoel teplotaganitjel. Menag oatjoi gioansgitasinogol. Tôgo tanig nestemiti aglasleoei genoat oitig tan mögoetj giasgio oigasitnog meta llatotes elmlag oigatigentjijig tog.